

MAHATHIR - LUAR

1983  
KUALA LUMPUR, 1 JUN (BERNAMA) -- MALAYSIA AKAN TERUS BERUSAHA UNTUK MENCARI JALAN BAGI MENTENTERAMKAN SUASANA POLITIK DAN EKONOMI ANTARABANGSA DAN BAGI MEMUJUDKAN ASAS HUBUNGAN ANTARABANGSA YANG LEBIH ADIL DAN BERMAKNA, KATA DATUK SERI DR. MAHATHIR MOHAMAD HARI, INI.

USAHA ITU KATANYA AKAN DIJALANKAN MELALUI HUBUNGAN LUAR DAN PENGLIBATAN NEGARA DALAM FORAM-FORAM ANTARABANGSA DENGAN TUMPUAN KEPADA PERHUBUNGAN DUA - HALA.

PERDANA MENTERI MENEGASKAN DEMIKIAN KETIKA BERUCAP MENYEMBAH TAHNIAH DAN IKRAR TAAT SETIA KEPADA YANG DI-PERTUAN AGONG DI SATU ISTIADAT DI ISTANA NEGARA PAGI TADI SEMPENA ULANG-TAHUN KE-53 KEPUTERAAN SERI PADUKA.

MENURUTNYA KEADAAN KEMELESETAN EKONOMI DUNIA YANG BELUM REDA DAN PENCEROBONAN YANG DILAKUKAN KE ATAS PIHAK-PIHAK YANG LEMAH OLEH KUASA-KUASA TERTENTU, TANPA TINDAKAN TEGAS OLEH KUASA-KUASA BESAR BAGI MEMULIHKAN KEADAAN, TELAH MENJADIKAN DEKAD 80AN SEBAGAI SATU TEMPOH GENTING BAGI KESELAMATAN DAN PEMBANGUNANNYA AMNYA.

+KEADAAN INI MESTI DIPULIHKAN TETAPI USAHA KE ARAH INI MEMERLUKAN KEJUJURAN DAN PERLIBATAN SEMUA PIHAK LEBIH-LEBIH LAGI KUASA-KUASA BESAR YANG MEMPUNYAI BERBAGAI-BAGAI KEMAMPUAN DAN PENGARUH,+ KATANYA.  
-- LAGI 1235/MK

MAHATHIR - LUAR 2 KUALA LUMPUR

DATUK SERI DR. MAHATHIR BERKATA DALAM SUASANA POLITIK DAN EKONOMI DUNIA SEKARANG MALAYSIA DAN NEGARA-NEGARA MEMBANGUN YANG LAIN, PERLU BEKERJASAMA LEBIH ERAT LAGI, SUPAYA LEBIH MAMPU MEMBANTU DAN MEMBIMBING YANG KURANG MAJU.

TIAP-TIAP NEGARA MEMBANGUN DAN YANG KURANG MAJU MESTILAH JUGA BERUSAHA MENINGKATKAN LAGI KEMAMPUAN BAGI MENJAMIN KEMAJUAN DAN PEMBANGUNAN MADING-MADING.

+DEMI KEPENTINGAN KITA DAN MASYARAKAT DUNIA AMNYA, KITA HARUS BERUSAHA DENGAN GIAT LAGI UNTUK BERDIKARI DAN TERUS MENUMPUKAN USAHA UNTUK MENINGKATKAN KEMAMPUAN DAN DAYA PENGELUARAN KITA,+ TEGASNYA.

DENGAN CARA ITULAH SAHAJA NEGARA-NEGARA MEMBANGUN DAPAT MENJAGA KEPENTINGAN MADING-MADING DAN MEMBUAT SUMBANGAN KEPADA KEMAKMURAN DAN KEMAJUAN DUNIA, TAMBAH BELIAU. -- BERNAMA 1240/MK